



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კარნავასი

კარნავასი, სოფელი ისტორიულ ტაოში (ახლანდ. თურქეთის ტერიტორია). „გურჯისტანის ვილაიეთის დიდი დავთრის“ მიხედვით, 1595 შედიოდა ფანაკის ლივის ფანასკერტის ნაპიეში და ყველაზე დიდი სოფელი იყო. მაშინ იქ 150 კომლი ქართველი ცხოვრობდა: ბულყულა მურადისძე, ალმამ ოქონელისძე, სიმონ აღდგომელასძე, ორდან ამირისძე, ელია მარკობისძე, ელგუჯა გურჯისძე, აბგარ ძე მისი, ფანოსა ამირნა ზარისძე, ზოჰრან გუბელაძე, ასლანბეგ ძმა მისი, ლაზარ მეორე ძმა, დოლმამ ზარასპასძე და სხვ. მოჰყავდათ ხორბალი, ქერი, ჭვავი, ფეტვი, ცერცვი. ჰქონდათ ვენახი, ბაღი, საყანე და საბამბე მიწა. წლიური გამოსაღები 12000 ახჩას შეადგენდა. 1889-თვის კ-ში 97 კომლი იყო დარჩენილი.

წყარო: გურჯისტანის ვილაიეთის დიდი დავთარი, ტ. 2, თბ., 1941; ტ. 3, თბ., 1958.

მ. ბაღდასტანიშვილი
